



Broj: UV-150-01-1- 1249-6 /22 MM
Sarajevo, 02.06. 2022. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 5. sjednici od 30.05.2022. godine, donosi

ODLUKU

o izboru najpovoljnijeg ponuđača u postupku javne nabavke usluga – dobrovoljno zdravstveno osiguranje

Član 1.

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku usluga – dobrovoljno zdravstveno osiguranje, putem otvorenog postupka, na period od dvije godine, ponuđaču TRIGLAV OSIGURANJE d.d. Sarajevo, u svemu prema ponudi broj: 08-4930/22 od 28.04.2022. godine.

Član 2.

(1) Ponuda ponuđača iz člana 1. ove odluke iznosi:

270.000,00 KM

(slovima: dvijestotinesedamdesethiljada konvertibilnih maraka i 00/100).

(2) Usluge osiguranja ne podliježu obavezi plaćanja PDV-a.

Član 3.

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Odjeljenje za ljudske resurse Centralnog ureda Centralne banke Bosne i Hercegovine (u daljem tekstu: Odjeljenje za ljudske resurse).

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.



Za realizaciju ove odluke zadužuju se Odjeljenje za ljudske resurse, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke www.cbbh.ba, istovremeno s upućivanjem obavještenja ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – dobrovoljno zdravstveno osiguranje, pokrenut je Odlukom o pokretanju postupka javne nabavke usluga – dobrovoljno zdravstveno osiguranje, putem otvorenog postupka, broj: 150-15-4-746-2/22 SAK od 03.03.2022. godine. U skladu s tim, Centralna banka je 18.04.2022. godine na Portalu javnih nabavki objavila obavještenje o nabavci broj: 1370-1-2-196-3-129/22. U predviđenom roku za prijem ponuda, odnosno do 05.05.2025. godine, blagovremeno su dostavljene dvije ponude sljedećih ponuđača:

1. TRIGLAV OSIGURANJE d.d. Sarajevo i
2. ASA OSIGURANJE d.d. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda, te utvrdila da ponuda ponuđača TRIGLAV OSIGURANJE d.d. ispunjava sve uslove utvrđene u tenderskoj dokumentaciji.

Komisija je utvrdila da se ponuda ponuđača ASA OSIGURANJE d.d. odbacuje, jer je nepotpuna i ne ispunjava zahtjeve iz tenderske dokumentacije, u skladu sa članom 68. stav (4) alineja i) Zakona o javnim nabavkama.

Naime, u pogledu dokaza tehničke i profesionalne sposobnosti ponuđač je dostavio dvije potvrde na stranicama 71. i 73. svoje ponude.

Dostavljene potvrde nisu dostavljene u originalu ili ovjerenom kopiji kako je traženo tenderskom dokumentacijom. U poglavlju C) PODACI O PONUDI, podnaslov Ponuda mora sadržavati tačkom e) tenderske dokumentacije je izričito propisano: „e) Dokumentacija kojom ponuđač dokazuje tehničku i profesionalnu sposobnost – original ili ovjerena kopija – u skladu sa članom 48. i 50. Zakona o javnim nabavkama“.

Pored navedenog Potvrda dostavljena na stranici 71. ponude, izdata od strane NCR d.o.o. Banja Luka, se odnosi na ugovor čija je realizacija još u toku, dakle nije završen. U potvrdi se navodi vrijeme izvršenja ugovora: 01.09.2021. – 01.09.2022. godine. Također, i Potvrda dostavljena na stranici 73. ponude, izdata od Authority Partners d.o.o. Sarajevo, se odnosi na ugovor čija je realizacija još u toku, dakle nije završen. U potvrdi se navodi vrijeme izvršenja ugovora: 11.06.2019. – 22.06.2022. godine. Tačkom 4.2. tenderske dokumentacije je traženo sljedeće: „a) Spisak izvršenih ugovora koji za predmet imaju realizaciju ugovora kako je naprijed navedeno, uz obavezno dostavljanje potvrda o njihovoj realizaciji koje daje druga ugovorna strana (naručilac). Potvrde trebaju obavezno sadržavati sljedeće podatke:

- Naziv i sjedište ugovornih strana ili privrednih subjekata,
- Predmet ugovora,
- Vrijednost ugovora,
- Vrijeme i mjesto izvršenja ugovora,
- Navode da je ugovor uredno izvršen.“

Dakle, potrebno je bilo dostaviti dokaze o izvršenom ugovoru, a ne ugovoru čija realizacija još traje.

Osim naprijed navedenog, Potvrda dostavljena na stranci 73. ponude za predmet ugovora navodi sistematski pregled, što se ne može smatrati istim ili sličnim ugovorom predmeta nabavke. Naime, tačkom 4.1. tenderske dokumentacije je traženo sljedeće: „a) Uspješno iskustvo u realizaciji najmanje 1 ugovora koji za predmet imaju iste ili slične ugovore predmeta nabavke, u posljednje tri godine, računajući od dana predaje ponude (što obuhvata odgovarajući period u 2019. godini, 2020. godinu, 2021. godinu i 2022. godinu do dana predaje ponude) ili od datuma registracije, odnosno početka poslovanja, ako je kandidat/ponuđač registrovan odnosno počeo sa radom prije manje od tri godine, ukupne vrijednosti svih ugovora minimalno 125.000,00 KM.“ Dakle, dostavljena potvrda za predmet nema isti ili sličan ugovor predmetu nabavke, kako je traženo tenderskom dokumentacijom.

Komisija je Zapisnikom o pregledu i ocjeni ponuda, broj: 149-15-4-1125-6/22 od 09.05.2022. godine i Izvještajem o radu komisije sa preporukom, broj: 149-15-4-1125-7/22 od 09.05.2022. godine, dala preporuku kao u dispozitivu ove Odluke.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**Predsjedavajući
Upravnog vijeća Centralne banke
Bosne i Hercegovine**

GUVERNER

dr. Senad Softić



Dostaviti:

- učesnicima u postupku (original)
- guverneru
- viceguvernerima
- predsjedniku i članovima komisije
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za ljudske reurse
- u spis predmeta (original)
- arhiva